

## VBO KREDIETE: HOE WERK DIT?

### A. CPD SOLUTIONS VIR ADMINISTRASIE VAN KREDIETE

In ons sinodale gebied word CPD Solutions as administreerder van alle krediete gebruik. Krediete en punte vir VBO word per SMS elektronies geboekstaaf op die wyse hieronder beskryf.

### B. EENMALIGE REGISTRASIE AS GEBRUIKER

- Stap 1: **Stoor** die volgende kort nommer op u selfoon onder VBO krediete. Die standaard SMS-tarief geld vir alle SMS'e na hierdie nommer gestuur. **CPD Solutions se kortnommer: 31029**
- Stap 2: **Regstreer as nuwe gebruiker:** Stuur 'n SMS wat slegs die letter **r** (dit staan vir lyk: *title= initials= surname= profreg= id= COMPLETE YOUR DETAILS AND FORWARD TOT 31029*)
- Stap 3: **Voltooi u besonderhede en stuur aan (forward) na 31029:** Die oorspronklike teks en =teken moet steeds deel van die SMS uitmaak. Vul u eie besonderhede in waar die spasies in die SMS gelaat is. Die profreg= veld word skoon gelaat.

Na voltooiing behoort die SMS as volg te lyk: *title= Ds initials=TR surname=Smit profreg=id=3302035009787 COMPLETE YOUR DETAILS AND FORWARD TOT 31029*

**BELANGRIK:** U moet die SMS **aan stuur (forward)** na 31029 en **nie terugstuur (reply)** na die nommer waar dit vandaan kom nie.

Nota: Indien u in die toekoms enige verandering aan u persoonlike besonderhede wil aanbring, volg u presies dieselfde proses (stappe 2-3). Die SMS wat u dan ontvang sal u bestaande besonderhede bevat.

### C. REGISTRASIE VAN KREDIETE

#### SMS metode

- Na afhandeling van 'n kursus, konferensie of enige VBO aktiwiteit word 'n kode aan u uitgereik. Stuur hierdie aktiwiteitskode/s na 31029, deur 'n SMS te stuur wat slegs die kodes lys, bv.: b12345 b34563 b98474 (vyf kodes kan per SMS gestuur word). **Doen dit so gou moontlik na afhandeling van die kursus, aangesien die kodes slegs vir 'n beperkte tyd aanvaar word. Kontroleer** op die web (sien hieronder) watter kursusse jy alreeds ingevoer het – moet tog asseblief nie 'n kursus twee-keer aktiveer nie.

#### Metode direk op webblad

- Teken aan by: <http://www.cpdolutions.co.za/index.php>
- Vir kontrole klik op die hofie **My CPD Points** en op **CPD points from events attended**
- Voer jou kode in by die spatie: **Submit an activity attendance code**

### D. OM U SELFOONNOMMER TE VERANDER

Stuur vanaf u **nuwe selfoon** die kodewoord “numberchange” gevolg deur u **ou selfoonnommer** na 31029, bv.: numberchange 0833451234.

U sal 'n SMS soortgelyk aan die volgende terug ontvang: *oldnumber 0833451234 newnumber 0733848384 for TR Smit. IF THIS IS CORRECT FORWARD THIS MESSAGE TO 31029 TO EFFECT CHANGE*

**Bevestig nou die verandering**, indien korrek, deur die boodskap aan te stuur (forward) na 31029

### E. KONTROLE VAN BYWONING

U kan u bywoning kontroleer by CPD solutions se webwerf: [www.cpdolutions.co.za](http://www.cpdolutions.co.za). Toegang word verkry met u selfoonnommer en 'n pinkode. Op die webwerf is 'n skakel wat die pinkode aan u sal SMS, sodra dit benodig word.

Indien u enige probleme ondervind (soos bv. 'n kode wat nie aanvaar is nie) kan u met Marina Oberholzer skakel, kantoorure op haar selfoon, 82 567 6674 of 'n epos aan haar rig by [shepherd@ufs.ac.za](mailto:shepherd@ufs.ac.za)

## F. VERSLAE AAN RINGE EN GEMEENTES

Jaarliks voor die onderskeie ringsittings word aan ringe en gemeentes verslag gedoen van elke predikant se krediete.

- Ten einde hierdie verslae te kan prosessee moet alle lede sorg dat alle **persoonlike inligting** op die webblad volledig is.
  - Teken aan by: <http://www.cpd solutions.co.za/index.php>
  - Nadat jy aangeteken het, klik jy op “My personal detail”. Voltooi besonderhede en klik op “Update my profile”. kan jy sommer **op die webblad jou kode invoer**. Voer jou kode in by die spatie: **Submit an activity attendance code**.
- U moet ook sorg dat u gemeente aan u persoonlike profiel gekoppel is.
  - Teken aan by: <http://www.cpd solutions.co.za/gemeente>
  - Volg dié maklike pad: Kies ’n sinode; kies ’n ring; Voer jou selfoonnommer/e-posadres in; kies jou gemeente; klik op koppel gemeente.

## G. VBO: OOREENGEKOME AANTAL PUNTE PER TYDSGLEUF EN PER JAAR

Jare na Formele Studie	Totale aantal punte vir tydsgleuf (verwagting)	Aanbevole aantal ure per jaar
0 - 3 jaar	300	100
4 - 10 jaar	350 (per 7 jaar gleuf) 210 (per 7 jaar gleuf vir kapelane, tentmakers en predikante met bevoegdheid in ander beroepe)	50 30
10 jaar +	350 (per 7 jaar gleuf) 210 (per 7 jaar gleuf vir kapelane, tentmakers en predikante met bevoegdheid in ander beroepe)	50 30

## H. OPSOMMING VAN MANIERE OM KREDIETE TE VERKRY (PER JAAR)

Tipe Voortgesette Bedienings Ontwikkeling	Aantal krediete (word in geval van kursusse bereken teen ongeveer 1 krediet per uur klas onderrig)	Prosedure
<b>A</b> <b>Kursusse/Studiegroepe</b> aangebied deur die algemene sinode se VBO diensverskaffers.	Maksimum 30 krediete (bv. vir ’n drie dag kursus) In oorleg met die kursus aanbieder kan na gelang van die duur van die kursus 15-20 krediete met die bywoning van die kursus verwerf word en 10-15 punte met die afhandeling van ’n werkstuk.	Kursusgangers ontvang direk na afloop van die kursus die kursuskode en waar op ’n werkstuk ooreengekom is, na inhandiging en kontrolering van die werkstuk op ’n <u>vasgestelde datum</u> ’n kode.
<b>B</b> <b>Konferensies en/of eendag kursusse/ Werkswinkels</b> aangebied deur die algemene sinode se VBO diensverskaffers	Maksimum 10 krediete	Kursusgangers ontvang direk na afloop van die konferensie of werkswinkel die kursuskode.

<p><b>C</b>  <b>Vol VBO Geakkrediteerde Kursusse</b> wat deur enige ander instansie aangebied word en by die VBO-forum aansoek gedoen het om akkreditasie</p>	<p>Maksimum 30 krediete.  (Maak egter doodseker of die kursus wel geakkrediteer is deur met Shepherd te skakel voordat u die kursus bywoon)</p>	<p>Kursusgangers ontvang direk na afloop van die kursus die kursuskode</p>
<p><b>D</b>  <b>Mentoraat</b>  Persone wat die mentorskap kursus deurloop het kwalifiseer om as mentor krediete te verwerf. Ten minste 10 ure kontak per jaar word veronderstel.</p>	<p>Maksimum 10 krediete per jaar vir mentor sowel as mentee</p>	<p>Die ringsverteenvoerder van die taakspan predikanteversorging verneem jaarliks tydens die ringsitting wie kwalifiseer vir krediete ten opsigte van mentorskap en gee die name deur aan die sinodale kantoor. Die kode wat jaarliks deur die taakspan predikanteversorging se portefeulje VBO aangevra word, sal elektronies aan die persone versend word.</p>
<p><b>E</b>  <b>Verdere Studie (akademies)</b></p>	<p>100% vir magister oor 2 jaar EN 100% vir doktoraal oor 4 jaar EN 4 jaar vir 'n bedienings/ praktyk gerigte M.</p>	<p>Met die nadere afhandeling van u studies meld u skriftelik aan by die taakspan predikanteversorging se VBO portefeulje. Hulle skakel met Shepherd vir die uitklaring van krediete en kodes. Krediete word toegeken op datum van graduering terugwerkend.</p>
<p><b>F</b>  <b>Aanbieding en/of ontwikkeling van VBO Kursusse</b> (op versoek van VBO Forum of voorgelê en landwyd aanvaar)</p>	<p>Dieselfde as vir die wat die kursusse deurloop (vir aanbieding een keer per jaar vir maksimum van drie jaar van toepassing).</p>	<p>Die taakspan predikanteversorging se portefeulje VBO, klaar die kodes uit met Shepherd. Dit word aan u verskaf direk na afloop van u aanbieding van die kursus.</p>
<p><b>G</b>  <b>Wetenskaplike Artikels of Studie stukke vir kerklike kommissie of die bywoning en deelname Akademiese Vak- en Werkgemeenskappe.</b></p>	<p>Maksimum 10 krediete per artikel of voordrag by kongres per jaar.  'n Studiestuk van ten minste 6000 woorde moet gelewer word, om te kwalifiseer vir maksimum krediete.</p>	<p>Ringe en kommissies van die sinode dien jaarliks voor 30 September die taakspan met 'n aanbeveling. Die taakspan verkry op grond van u aanbeveling die kodes, waarna die kodes aan individue elektronies versend word.</p>

<p><b>H</b> Rings, sinodale kursusse, werksinkels, seminare en studietoere (Nie-formele VBO aktiwiteit)</p>	<p>Maksimum 20 krediete (sien opmerking hieronder)**</p>	<p>Ringe en sinodale kommissies dien die taakspan predikanteversorging se portefeulje VBO jaarliks voor 30 November met voorstelle in die verband. Die taakspan predikanteversorging se portefeulje VBO, klaar die kodes uit met Shepherd. Dit word aan u verskaf direk na afloop van u aanbieding van die VBO geleentheid.</p>
<p><b>I</b> <b>Selfstudie:</b> a) Teologiese boeke en artikels</p> <p>b) Enige ander teologiese kursus of leeraktiwiteit wat nie deur die VBO forum geakkrediteer is nie</p>	<p>Maksimum 20 krediete per jaar 5 punte vir 'n teologiese boek 2 punte vir 'n teologiese artikel 2 punte per uitgawe van kruisgewys</p> <p>Maksimum 10 krediete per jaar</p>	<p>Nadat jy 'n boek of akademiese artikel gelees het, skryf jy 'n verslag in die volgende formaat: 1. 'n Opsomming van die inhoud (300 woorde) 2. 'n Kritiese evaluering van die inhoud (300 woorde) 3. 'n Samevatting van wat die inhoud van die boek vir jou in die bediening beteken het (300 woorde) Stuur dit aan die sinodale kantoor vir plasing op die webblad van die Sinode in Noord-Kaapland. Na die taakspan predikanteversorging se vergadering in die derde kwartaal word die kodes aan individue elektronies versend.</p> <p>Op CPD Solutions se webblad is daar ruimte om in hierdie geval vir jouself sonder die verkryging van enige kode, na eie goeddunke 'n maksimum van 10 punte per jaar toe te dien. (Klik nadat ingeteken op “<i>CPD points manually captured</i>” en voltooi besonderhede.)</p>

**H \*\***

**Rings, Sinodale kursusse, werksinkels, seminare en studietoere (Nie-formele VBO aktiwiteit)**

**I. AKKREDITERING VAN AKTIWITEITE WAT NIE DEEL IS VAN DIE FORMELE VBO-PROGRAM NIE – RIGLYNE VIR RINGE EN SINODALE KOMMISSIES**

Die volgende reëlings geld vir die registrasie van VBO-punte:

- Moontlike VBO-punte vir predikante se **nie-formele VBO-aktiwiteit** word deur die betrokke ring oorweeg (nie-formele VBO-aktiwiteit is alle aktiwiteit wat nie deel vorm van ons kerk se

formele VBO-program nie, maar wat na die betrokke ring/sinodale kommissie se mening tog 'n bydrae gelewer het tot die ontwikkeling van predikante se bedieningsvaardigheid, bv kursusse en konferensies, seminare of studietoere wat nie formeel geakkrediteer is vir VBO-punte nie.

- In gevalle waar sulke aktiwiteite beplan word, lê die ring of betrokke sinodale kommissie die aktiwiteit voor vir oorweging op 'n vergadering van die ring of kommissie.
- Ringe en sinodale kommissies dien die taakspan predikante versorging se portefeulje VBO jaarliks voor 30 November met voorstelle in die verband. (Vorms vir die doel word deur die taakspan voorsien)
- Die maksimum punte wat per jaar deur ringe/sinodale kommissies toegeken kan word, is **20 vir nie-formele VBO-aktiwiteite** .
- Die volgende riglyne moet in gedagte gehou word wanneer ringe oorweging skenk aan die toekenning van VBO-punte vir nie-formele VBO-aktiwiteite en mentoraatsverhoudings:
  - VBO het ten doel om predikante se **bedieningsvaardighede** verder te ontwikkel. Op hierdie manier word predikante se bedieningsvreugde verhoog én kry gemeentes die geleentheid om so goed as moontlik bedien te word.
  - Aktiwiteite wat deel is van predikante se normale bediening, en wat dus die **toepassing** van vaardighede insluit, kwalifiseer nie vir VBO-punte nie (bv 'n Bybelskool wat vir lidmate aangebied word of die voorbereiding/lewering van 'n preek).
  - VBO-punte word bereken teen **een punt vir elke uur** se deelname aan 'n toerustings- of leerervaring
  - Erkenning vir nie- geakkrediteerde **studietoere** word bereken teen een VBO-punt per drie uur blootstelling (met 'n maksimum van 20 punte soos hierbo aangedui).